

Լրացավ բանաստեղծ, գրականագետ-մանկավարժ, հասարակական գործ, բանասիրական գիտությունների դոկտոր, պրոֆեսոր Ս. Ա. Խանյանի ծննդյան 75-ամյակը:

Ստեղծագործական հինգ տասնամյակի ընթացքում նա մշտապես ունկնդրել ժամանակի ծայրը՝ բացահայտելով իր բանաստեղծական նախասիրությունները՝ քնարական հազնգեղություն, անմիջականություն, քաղաքացիական պաթոս, խոհականություն: Իբրև բանաստեղծ-գրականագետ՝ նա իր կարողությունները նվիրել է հայրենի պոեզիայի և գրականգիտության զարգացմանն ու հարստացմանը:

Բնությունը շատ է գտնվել Ս. Խանյանի հանդեպ՝ ընծայելով ստեղծագործելու բազմաշերտ շնորհք և նախանձնի աշխատասիրություն: Նրա յուրաքանչյուր գիրք եղել է նախադրի պատվաբեր շարունակությունը՝ գաղափարական նոր ընդգրկումներով, կատարման նրբերանգների թարմությամբ:

Առանց Ս. Խանյանի գրական հունձքի դժվար է պատկերացնել Արցախի գրական օջախի դիմանկարը, իսկ բանաստեղծական ժողովածուների և գրական ուսումնասիրությունների թվարկումը պատկառանք է առաջացնում նրա արգասավոր տաղանդի, վառ երեւակայության, նախանձնի աշխատասիրության հանդեպ:

Բանաստեղծ Ս. Խանյանը երգում է հայրենիք, սեր, աշխատանք, խիղճ, նրագ, կարոտ, հեքիասություն, նահատակների փառք և այլն: Դա է կյանքը, կյանքից դուրս պոեզիա չկա, հաստատում է Ս. Խանյանը:

Հիրավի, Խանյանի գեղարվեստական նախասիրությունների համակարգում բազմազան թեմաներն ու գաղափարական խորքային լուծումներն ապահովում են նրա անհատականությունը: Ստեղծագործական երկարամյա ճանապարհին նա երբեք չի դադարել որոնելուց՝ ընթերցողի սեղանին դնելով 15 բանաստեղծական ժողովածուներ, նույնքան գրականագիտական աշխատություններ, գրականության, արվեստի արդի պրոբլեմները քննարկող 350-ից ավելի հոդվածներ: Խանյանի բանաստեղծական և գրականագիտական յուրաքանչյուր գիրք արժանացել է անվանի գրողների ու բանասերների ուշադրությանը: Նրա մասին ծանրակշիռ կարծիք են հայտնել Ն. Զարյանը, Մ. Արմենը, Մ. Կորյունը, Ս. Արզումանյանը, Ս. Սողոմոնյանը, Դ. Գապայրյանը, Ժ. Անդրյանը, Մ. Սանթրյանը, Հ. Սերոբյանը, Գ. Գաբրիելյանը, Վ. Հակոբյանը և ուրիշներ:

Տարբեր փուլերում գրական քննադատության ակտիվ վերաբերմունքը Խանյանի ստեղծագործության նկատմամբ հետևանք էր ընթերցող հասարակայնության վրա և գրական շրջաններում հեղինակի նրգեղի թողած որոշակի ազդեցության: Խանյանի գրչի բեղունությունը, բանաստեղծական տարբեր ձևերի մեջ որոնումները հաճելի հետաքրքրություն են առաջացրել ընթերցողների շրջանում: Նա միշտ էլ նոր ավյունով, պատասխանատվության գագաթումով ու պահանջկոտությամբ է մոտենել պոեզիային:

Սովորատ Խանյանը ծնվել է 1930թ. հունվարի 22-ին, ԼՂ Հաղորդի շրջանի Աղբուլաղ (այժմ՝ Ակնաղբուր) գյուղում: 1937-1944թթ. սովորել է հայրենի գյուղի յոթամյա դպրոցում, ապա միջնակարգ գերագնաց գնահատականներով ավարտել հարևան Էղիլի (Ուխտաձոր) գյուղում: Դպրոցն ավարտելուց հետո երկու տարի աշխատել է հայրենի գյուղում: 1949-1953թթ. սովորել է Բաքվի Լենինի անվան պետական մանկավարժական ինստիտուտի բանասիրական ֆակուլտետի հայոց լեզվի և գրականության բաժնում: Ավարտելուց հետո աշխատանքի է անցել «Կոմունիստ» (հայերեն) թերթի խմբագրությունում՝ որպես լրագրող: Ավարտելով ասպիրանտուրան՝ 1965թ. Հայաստանի ԳԱ Մ. Աբեղյանի անվան գրականության ինստիտուտում պաշտպանել է թեզ՝ «Ն. Զարյանի դրամատուրգիան» թեմայով և արժանացել բանասիրական գիտությունների թեկնածուի գիտական աստիճանի, իսկ 1970թ. ստացել է դոցենտի կոչում:

1965-69թթ. աշխատել է Բաքվի Լենինի անվան պետական մանկավարժական ինստիտուտի հայոց լեզվի և գրականության ամբիոնում՝ որպես դոցենտ: 1969թ. տեղափոխվել է Ստեփանակերտ և շարունակել աշխատանքը նորաբաց մանկավարժական

հայոց լեզվի և գրականության ամբիոնում: 1974-75թթ. զբաղեցրել է ինստիտուտի դաստիարակության գծով պրոռեկտորի պաշտոնը, իսկ 1974-79թթ. ղեկավարել է բանասիրական ֆակուլտետը՝ որպես ղեկան: 1984 թվականից վարում է հայոց լեզվի և գրականության, ապա՝ գրականության և ժառանգիտիկայի ամբիոնի վարչի պաշտոնը: 1991թ. Ս. Խանյանը կիրովականի մանկավարժական ինստիտուտի գիտական խորհրդում մրցույթով ընտրվել է պրոֆեսորի պաշտոնում: 2002թ. ՀՀ ԳԱԱ Ս. Աբելյանի անվան գրականության ինստիտուտում նա պաշտպանել է «Կոտորակալան թեզ» («Հայրենիքի ճակատագիրը հայ պոեզիայում (1950-90-ական թթ.)» թեմայով՝ ստացել բանասիրական գիտությունների դոկտորի գիտական աստիճան: Ս. Խանյանը հանրապետությունում առաջինն է, որ ՀՀ ԲՈՀ-ի կողմից արժանացել է պրոֆեսորի դիպլոմի:

Ակնառու է նաև Ս. Խանյանի հասարակական գործունեությունը: 1970-80-ական թթ. ղեկավարել է ԼՂ մարզային «Գիտելիք» ընկերությունը, եղել է Խաղաղության պաշտպանության ԼՂ կոմիտեի նախագահ՝ մեր երկրամասի աշխատավորության ձայնը հնչեցնելով հուճկաբայությամբ, Ավստրիայում, Նորվեգիայում: Նա երկու անգամ ընտրվել է արհմիությունների մարզային կոմիտեի անդամ: 1978թ. պարգևատրվել է ԽՍՀՄ Գերագույն խորհրդի «Աշխատանքային գերազանցության համար» մեդալով, իսկ 1990թ.՝ ԽՍՀՄ բարձրագույն դպրոցի պետական կոմիտեի «Աշխատանքային գերազանց հաջողությունների համար» կրծքանշանով: 1988թ. իր ընկերների հետ մեկտեղ Ս. Խանյանը գտնվել է Արցախյան ազգային-ազատագրական պայքարի առաջին շարքերում: 1992թ. դարձել է ԼՂ հախարարների խորհրդի Եղիշի անվան մրցանակի դափնեկիր՝ «Արցախի արծիվը» պոեմի համար: 1998-ին արժանացել է ԼՂՀ գրողների միության Մուրացանի անվան ամենամյա մրցանակի՝ «Արցախյան պատերազմը և հայ պոեզիան» աշխատության համար: 1998-ին պարգևատրվել է «ԱրԳՀ 30-ամյակի» հուշամեդալով, 2002-ին՝ ԼՂՀ «Վաչագան Բարեպաշտ», ապա՝ «Արապական նրվխատագիտություն հայ քաջորդիներին» մեդալներով, արժանացել է նաև տասնյակ պատվոգրերի:

Ս. Խանյանի առաջին գիրքը տպագրվել է 1953թ.՝ «Կարկաչ» խորագրով, որի մասին դրվատանքի խոսք են ասել անվանի գրող Ն. Զարյանը, արձակագիր Մ. Դավթյանը, գրականագետ Ս. Սողոմոնյանը, Ս. Արզումանյանը, Ժ. Անդրյանը: Բանաստեղծի երկրորդ գրքույկը՝ «Բարեկամություն» վերնագրով, լույս է տեսել 1963թ.: Ժողովածուն նոր քայլ էր թեմաների, ստեղծագործական նոր ձևերի յուրացման, բանաստեղծական խոսքի կատարելագործման առումով: Մ. Կորյունը իր գրախոսականում նշել է. «Ո՞րն է Խանյանի բանաստեղծությունների դրական ու գրավականը... Հեղինակը ցուցաբերել է անսկզբնական, պարզ ու անկեղծ գրելու անժխտելի կարողություն: Երբ ասելիք կա, նա կարողանում է գտնել արտահայտչական դիպուկ ձևեր և ցանկացած տրամադրությամբ վարակել ընթերցողին»:

Գնալով բանաստեղծի խոսքը ավելի է հարստանում, նոր գույներ առնում: Եվ ընթերցողի հետ Ս. Խանյանը հանդիպում է 1966թ. իր նոր՝ «Միրտս ձեզ հետ է» խոստի վերնագրով ժողովածուով: Այստեղ բանաստեղծի ներշնչանքի աղբյուրը հայրենի բնավայրերն է, նրա նրբինքնազգ գույները, փրփրաբաշ գետերը, դարավոր անտառները, անմռառալի մանկությունն ու պատանեկան նրազանքները, հայրենական օջախի կրակը, մոր թխած հացի բույրը, առաջին սիրո շշուկները, հայ մարդու ազնիվ ու անմեղությունը հայրենասիրությունը: Ժողովածուի մասին դրվատանքի խոսքը ասաց նշանավոր արձակագիր Մ. Արմենը՝ ընդգծելով. «Սովորաբար մոտ պայծառ են ոչ միայն տրամադրությունները, այլև բնության կողմերն ու կերտությունները, պայծառ են բաները... Հաճելի է կարդալ Սովրաստին, որի մոտ պայծառ արեւ և լավախոսություն՝ հակառակ մի քանի նրիտասարդ և ոչ նրիտասարդ բանաստեղծների, որոնց մոտ ոչ միայն մտայլ է ընդհանուր տրամադրությունը, այլև՝ դրա հետ սերտորեն կապված համեմատություններն ու բառային մատերիալը: Սովրաստի բանաստեղծությունների մի այլ արժեքավոր կողմը դրանց հուզականությունն է»:

Հաջորդ՝ «Արևսար» ժողովածուում ևս Խանյանը հաջողաբար մնաց զգացմունքի բնականությունը, ստեղծագործության բովանդակության և ձևի ներդաշնակության պահանջին:

Հասունացման մի նոր աստիճան հանդիսացավ Ս. Խանյանի 1972թ. տպագրված «Լեռների երգը» ժողովածուն: Գրականագետ Դ. Գասպարյանը նշեց. «Ս. Խանյանի պոեզիայում հայրենիքն ու քնարական հերոսը հանդես են գալիս միաձուլ, ոչ իրարից մեկուսացված... Բանաստեղծի մոտ հայրենիքը հասկացությունը հաճախ բացահայտվում է հայրենի եղերի

նկարագրով»: Հիբափի, հայրենիքը Խանյանի համար վերացական հասկացություն չէ: Այն սկսվում է հայրական օջախից, ծննդավայրից, որտեղ կան աստղերին հասած լեռներ, մայրական կաթի պես քաղցր, սննդատու աղբյուրներ, մարդու ոտքերին սովոր կածաններ... Խանյանի բանաստեղծական հոգում հայրենի երկրի եւ ժողովրդի ճակատագիրն առնչվում է աշխարհի ու մարդու ճակատագրի հետ: Այս ժողովածուով բանաստեղծը հաստատում է իր առողջ ու ամուր կապը կյանքի ամենաբազմազան հարցերին: Նա երբեմն հայացքը հառում է պատմական անցյալին, այնտեղից փնջում պայքարի ու հերոսության շողեր, պապերի օրինակով սերունդներին մատուցում այն դասը, որ կոչվում է խիզախության եւ հարատևման ազդակ:

Ս. Խանյանի հայրենասիրական քնարը հարստանում է «Արևուսար» լեզենդով, «Մորմոքներ» շարքով: Վերջինս Մեծ հայրենականում նահատակված հերոսների հանդեպ երախտագիտական զգացումի արտահայտություն է, մյուս կողմից՝ հայրենիքին ամենացորդ ծառայելու հավերժական օրինակի վավերացություն: Ավ. Իսահակյանից, Հ. Շիրազից հետո, թվում է, դժվար է մայրական թեմայով երգեր գրելը: Ս. Խանյանի «Մորս հիշատակին» շարքը նոր խոսք է թե՛ թեմայի բացահայտման, թե՛ գեղարվեստական առանձնահատկությունների տեսակետից: Ծարքում արտահայտված է որդու կարոտը հուշ դարձած մոր հանդեպ, ընդգծված՝ մոր վեհությունն ու որդու ամենացորդ սերը: Մանկության՝ հավերժությունը բանաստեղծը տեսնում է մոր լինելության մեջ: Հայ գեղջկուհու ապրած օրերի, դեպի երթյալներն ունեցած զգացումների հուզաթաթավ երգերով Ս. Խանյանը հյուսել է այն իրական հեքիաթը, որ կարելի է կապել միայն մոր հետ:

Բանաստեղծությունը ծնվում է կարոտից: Կարոտը մանկության, բնության, սիրո, աշխարհի, հարազատների հանդեպ հոգևոր լիցքեր է հաղորդում ու դառնում երգի աղբյուր: Վկան՝ 1975թ. լույս տեսած «Սպասում եմ դեմ» ժողովածուն, որի մասին գնահատանքի խոսք ասաց պրոֆ. Ս. Ավագյանը: Ժողովածուն Մեծ հայրենականի գեղարվեստական արտացոլումն է: Հեղինակի ուշադրության կենտրոնում ոչ թե ռազմաճակատային իրադարձություններն են, այլ մարդկային հոգեվիճակներն ու ճակատագիրը:

Բնությանը դիմելը Ս. Խանյանի համար նման է դավանանքի: Մահյանական արվեստից շատ բան սովորելով, առանց կրկնելու իր ուսուցչին՝ Խանյանը ստեղծել է ուշագրավ պատկերներ.

*Այն ո՛վ է ասել՝ հողը սիրտ չունի,
Եթե սիրտ չունի,
Ապա ինչո՞ւ է կարոտում այնպես,
Երբ հեռանում եմ...*
*Եթե սիրտ չունի,
Ապա ինչո՞ւ է խռովում այնպես,
Երբ մոռանում եմ...*

Մարերի ու դարերի ընդհանուր կապի մեջ բանաստեղծը խորհրդանշում է մայր ժողովրդի ճակատագիրն ու անցած ուղին:

1978թ. հրատարակվում է «Լեռնային դղճանքներ» ժողովածուն, ուր բանաստեղծն ընդգծում է այն ճշմարտությունը, որ երգը ծնվում է կյանքից, օջախից, աշխարհից, կարոտից: Դեպի հայրենի Ղարաբաղն ունեցած սերը Խանյանի արյան ու հոգու մեջ ծխածանի գույներ ունի: Դա սիրո սովորական արտահայտություն չէ, այլ սիրտը միշտ արթուն ու բաբախուն պահող ցավ: «Բո տուննից» գրքի «Ղարաբաղյան նվագներ» շարքը հայ պեմեփայտյա Ղարաբաղի կերպարի ստեղծման թարմ ու ինքնատիպ երևույթներից է:

Քաջակը բավականին տարածված ժանր է հայ քնարերգության մեջ: Խանյանն այդ ժանրին ձեռք է մեկնել հասուն տարիքում: Ահա թե ինչու կենսափորձից ծնված խորհուրդները հնչում են որպես դաս, որպես ինքնախոստովանանքի լուսավոր զգացումներ, որպես բարության, սիրո, վայելքի ատվածապայան պարզեցում: Խանյանի քաջակներում սերը տառապանքից ծնված կրակ է՝ մաքրված, քյուրեղացած, հավերժացած: Նրա քաջակները ժանրի դասական կուտակումների անգուցական օրինակներ են:

Ծննդյան 60-ամյակի առթիվ հրատարակվեց Ս. Խանյանի «Կարոտի կրակներ» ընտրանին, որի՝ մասին ծավալուն գրախոսականներով հանդես եկան բանաստեղծ Գ.

Գաբրիելյանը եւ բանասեր-լրագրող Վ. Աթանեսյանը: Նրանք նշեցին, որ բանաստեղծի հունձը արժանի է գրականագիտական լուրջ գնահատականի: Վ. Աթանեսյանը ընդգծել է. «Պաշտպանում եմ ազգային դիմագծի այն առանցքը, որ արցախահայ գրականությունը կարողացել է բոլոր փորձություններից անաղարտ պահել: Ս. խանյանի «Կարոտի կրակները» հիմքը դա է»:

Բանաստեղծի բնիկուն ճանապարհի եւ ինքնահաստատման նրնայթներ հանդիսացան նրա «Արցախյան դողանցներ» եւ «Էմ ծիածանը» ընտրանիները՝ տպագրված Երևանի պետական լսարանի եւ «Սոնա» հրատարակչությունների կողմից: Անվանի գրականագետ Ս. Դանիելյանը այդ առիթով գրել է. «Բնղմնավոր ու շուայ գրիչ ունի Սոկրատ խանյանը: Ավելացնեթ նրա մենագրական աշխատանքները Ն. Զարյանի, Թ. Հուրյանի եւ հայ գրական այլ մշակների մասին, արդյունքում կունենանք անդադրում տրոփող սիրտ, հայ բանաստեղծին միշտ անմար պահող սիրտ»:

խանյանի պոեզիան հյուսվում է հայ պոեզիայի ավանդույթների հենքի վրա: Նրա պատկերներն ինքնաբուխ են, սեփական աշխարհընկալման դրոշմն ակնհայտ է:

Մեծ է Ս. խանյանի վաստակը Արցախի գոյամարտը գեղարվեստորեն պատկերելու առումով: Բազմաթիվ գրականագիտական ուսումնասիրությունների հետ նա ընթերցողի սեղանին դրեց «Արցախի արծիվը» պոեմը, որն արժանացավ ԼՂՀ նախարարների խորհրդի 1992թ. Եղիշեի անվան մրցանակին: «Այդ պոեմը ընդհանրության մեջ ընկալվում է որպես հին ու նոր ժամանակների խորքից ելած տառանդավոր մի գրչի եիշատակարան: Հիշատակարան հաջորդ հին ու նոր գոյամարտի», - ընդգծում է տաղանդավոր բանաստեղծ, գրականագետ Վարդան Հակոբյանը պոեմի առաջաբանում: Էպոսային հյուսվածքով աչքի է ընկնում նաեւ Ս. խանյանի «Նահատակ լուս» պոեմը՝ նվիրված Ղարաբաղյան պատերազմի լեզնդար հերոս Մոնթե Մելրոյանի (Ավո) սուրբ հիշատակին: Բնարական շաղախով հերոսական այս պոեմում բացահայտված են հայրենասեր գորաւետի հերոսականության ակունքները:

Օրերի հետ համաչափ քայլող բանաստեղծ է Ս. խանյանը: Ապրել է բարդ, բազմաթիվաբան ու ներդաշնակ կյանք: Ժողովրդի ճակատագրի հետ կապված մտահոգիչ հարցերին նա պատասխանել է եւ որպես բանաստեղծ ու լրագրող, եւ որպես գրականագետ ու հասարակական գործիչ: Ս. խանյանի գիտամանկավարժական գործունեությունը շուրջ 50 տարեկան է: Նրա անունն անվազելիորեն կապված է Արցախի պետական համալսարանի հետ, ուր դասախոսական նրկարամյա աշխատանքին զուգահեռ զբաղվել է գրականագիտությամբ:

Գեղարվեստական մտքի զարգացման պատմությունն աւագուցում է, որ եթե ստեղծագործողը աշխարհ է եկել այսյան կանչով ու հոգով կոչով, ապա նա կարողանում է հավասարապես ծառայել եւ պոեզիային, եւ գրականագիտությանը:

Արցախում ստեղծվող գրականության ընթացքը միշտ եղել է Ս. խանյանի ուշադրության կենտրոնում: Ուշագրավ են «Ցավի եւ սիրո պոեզիա» (Վ. Հակոբյանի պոեզիայի մասին), «Բողոքան Զանյանի պոեզիան», «Գուրգեն Գաբրիելյանի աշխարհը», «Տաղանդի լույսը (Ժ. Անդրյանի մասին), Նվարդ Ավագյանի պոեզիան», «Ա. Թովմայանի քնարերգությունը», «Հր. Բեկլարյանի քնարերգությունը» գրքերը, որոնք արժանացել են ականավոր գրականագետների ուշադրությանը:

«Արցախյան պատերազմը եւ հայ պոեզիան» աշխատության առաջաբանում բանասիրական գիտությունների դոկտոր, Երևանի պետական համալսարանի պրոֆեսոր Զ. Ավետիսյանը գրում է. «Ս. խանյանը արցախյան դրամատիկ ու հերոսական իրադարձությունների հետ կապված մարդկային ցավի ու հերոսականության անմիջական կրողներից է, ինչը պայմանավորել է ոչ միայն նրա ուսումնասիրության թեմատիկ ընտրությունը, այլեւ գրականագիտական ասելիքի ոճային առանձնահատկությունը»:

Ինքը, աշխատության մեջ Արցախյան պատերազմը գնահատվում է որպես հայ ժողովրդի ազգային-ազատագրական պայքարի հերոսական ու բախտորոշ էջերից մեկը: Հնդինակը գրականագիտական հստությամբ իր ասելիքի արմատները որոնում է մեր դասական ավանդների մեջ՝ խարսխվելով բանաստեղծական նոր հունձի շրջանակներում: Սա նորօրյա բանասիրական մոտեցում է, որը ժխտում է գեղարվեստական նրկի մակերեսային վերլուծությունը՝ գնալով դեպի խորքային-հոգեբանական շերտեր: Հարցի պարզաբանումը որդշակի առումով ընթերցողին ծանոթ է Ս. խանյանի տասնյակ մենագրություններից ու բազմաթիվ գիտական հոդվածներից: Ս. խանյանը սկզբունք ընդունելով գեղարվեստական գրականության անբավելի կապը պատմության հետ՝ քննում է 50-90-ական թվականների

գրավական-պատմական պարզմունքներն են այդ համապատկերներում լուսաբանում հայրենիքի թանաչ պարծառումը հայ պոեզիայում: Գիրքը 50-90-ական թվականների հայոց հայրենասպաստումի վաղափառական ուղղվածության, 20-րդ դարի նրկորդ կնաի գրական շարժման մի շարք առանձնահատկությունների օրյեկտիվ բացահայտման հետաքրքիր օրինակ է, որն արժեքավոր է նւ որպես նրեմայր, նւ որպես գրական-պատմական մնայուն արժեք:

Հետաքրքիր են ուսանելի ձեռնարկ է Ս. խանյանի «Հայ գրականության ուսուցումը բուհում» գիրքը՝ մեթոդական ցուցումների, հայ գրականության ծրագրի, մատենագիտության ընդգրկմամբ: Նրանում հեղինակը խոսում է գրականության առանձին բաժինների ուսուցման օրինաչափությունների մասին՝ հենվելով դասական մեթոդական առաջավոր ավանդույթների, ինչպես նաեւ իր փորձի վրա՝ հաշվի առնելով ժամանակակից դասին ներկայացվող պահանջները: «Հայրենիքի ճակատագիրը հայ պոեզիայում (1950-1990-ական թթ.)» աշխատությունը արժանացել է ականավոր գրականագետների բարձր գնահատականին: Այն գրականագիտական հասուն գրչի արդյունք է, որն էլ հիմք է դարձել նրա դոկտորական առնձնախոսության:

Այսօր բոլոր բուհերի բանասիրական ֆակուլտետների մագիստրատուրաների ուսումնական պլաններում մտցված է »Ազգային ճակատագիրը եւ հայ պոեզիան« առարկան: Առաջին անգամ հայ իրականության մեջ Ս. խանյանը ստեղծել է «Ազգային ճակատագիրը եւ հայ պոեզիան» դասագիրքը, որը ԼՂՀ կրթության, մշակույթի եւ սպորտի նախարարության կուլեգիայի կողմից նրաշխարհորվել է տագրության: Գիրքն արժանացել է ԲՈՀՀ-ի գրականագիտության գծով հանձնաժողովի բարձր գնահատականին, որի համար Ս. խանյանը հաստատվել է որպես պրոֆեսոր: Դասագրքում խանյանը լուսաբանում է ազգի ճակատագիրը առաջավորական շրջանից մինչեւ մեր օրերը: Հեղինակն առանձին-առանձին գլուխներով ներկայացրել է հայ հին եւ միջնադարյան գրականության մեջ խնդրո առարկա թեման, հայ նոր պոեզիայում թեմայի բանաստեղծական արժարքումը՝ Արքայանից մինչեւ Դուրյան: Առանձին բաժիններով ներկայացվում է Թումանյանից մինչեւ Ռ. Սեւակ, ապա նորագույն շրջանը՝ Ե. Չարենցից մինչեւ Ռ. Դավոյան, այդ թվում նաեւ՝ Արցախի բանաստեղծների գրական իրոնքը:

Ներկայացված է տագրության Ս. խանյանի «Պոեզիայի գարգացման միտումներն Արցախում (1950-2000թթ.)» գիրքը, որը քննության առարկա է դարձել Արցախի պոեզիայի գարգացման օրինաչափությունները՝ կապված մեր գրականության ընդհանուր գարգացման տեղեկանքների հետ:

Ս. խանյան բանաստեղծը, գրականագետ-մանկավարժը միշտ հետեւում է ինքնաբացահայտման ու ինքնահաստատման անհրաժեշտ սկզբունքներին, ինչ արել է, համարում է քիչ՝ ցուցաբերելով նախանձելի, արտասովոր աշխատասիրություն: Այդ եւ վկայում տագրության հումար պատրաստած նրա բանաստեղծական ու գրականագիտական նոր ժողովածուները: Եթե դրանց գումարենք խանյանի ակտիվ մասնակցությունը Արցախի պետական համալսարանի գործընթացին՝ որպես ամբիոնի վարիչ, գիտական խորհրդի անդամ, ԼՂՀ գրողների միության վարչության, Ստեփանակերտի Վ. Փափագյանի անվան պետական դրամատիկական թատրոնի գեղարվեստական խորհրդի անդամ, ինչպես նաեւ ընդգծենք նրա ծանրակշիռ եւ օրինակելի հրապարակային ելույթներն ու զեկուցումները հանրապետությունում արդյունքում մեր առջեւ կիսեմի յոթանասուհիինգամյա մի գործիչ՝ երիտասարդական ավելոնով ու նրազանքներով: Ուշագրավ խոսք է Ս. խանյանի պետական այս ընդհանրացումը:

Անց եւ կենում օրերս՝

Կանաչ-կարմիր շորերում,

Թռվում են յորերդս

Իմ կարողների ժողերում:

Հետ քննելու հույս չկա,

Ձեռք մեկնելու ի՞նչ իմաստ,

Շոշափում եմ իմ սիրտը

Երազներն իմ անկա:

Լույսի թելեր եմ մանու,

Հիմնում եմ նոր մի կամար,

Թեկուզ տեսնլ եմ կյանքում

Բանի՜ գարուն ու ամառ:

*Նորից ծփանք է տալիս
Դնմս ծնծղան արևի...
Հոգիս խուտուտ է գալիս՝
Խորքում գանձ կա երևի:*

Այդպես էլ կա: Ծնորհավորում ենք մեր հարգելի հորեկարին, մաղթում քաջառողջություն և երկար տարիների կյանք՝ ի փառս մեր հայրենի գրականության ու գրականագիտության զարգացման ու հարստացման:

Անվտիտում

Սույն հոդվածում ձգտել ենք համառոտակի դիտարկել ու գնահատել Ս.Խանյանի բանաստեղծական ու գրականագիտական վաստակը:

Ս.Խանյանը իր գրական հունձքով լրացնում է Արցախի գրական օջախի դիմանկարը: Բանաստեղծ գրականագետը ընթերցողի սեղանին է դրել 15 բանաստեղծական շողովածուներ, նույնքան գրականագիտական աշխատություններ, գրականության, արվեստի արդի պրոբլեմները քննարկող 350-ից ավելի հոդվածներ:

Քննարկելով Ս.Խանյանի պոեզիան, նկատել ենք, որ բանաստեղծի ներշնչանքի աղբյուրը հայրենի եզերքն է, նրա դարավոր պատմությունը, ներկան, իր մանկությունն ու պատանեկան նրագները, հայրենի օջախի կրակը, I սիրո շշուկները, հայրենասեր մարդու նվիրվածությունը հայրենի հող ու ջրին: Յուրաքանչյուր մոտիվ հնչում է որպես հեղինակի կենսափորձից ծնված ինքնախոստովանանքի լուսավոր զգացում:

Ուսումնասիրելով նրա գրականագիտական վաստակը նկատել ենք, որ Արցախում ստեղծվող գրականության ընթացքը միշտ եղել է գրականագետի ուշադրության կենտրոնում, իսկ նրա «Արցախյան պատերազմը և հայ պոեզիան», «Հայ գրականության ուսուցումը բուհում», «Հայրենիքի ճակատագիրը հայ պոեզիայում (1950-90թթ.)», «Ազգային ճակատագիրը և հայ պոեզիան», «Պոեզիայի զարգացման միտումներն Արցախում (1950-200թթ.)» գրքերը շատ կողմնորոշ կարող են օգնել թե՛ ուսանողությանը և թե՛ գրականության հարցերով զբաղվողներին:

*Резюме
Атаян А.М.*

В этой статье постарались кратко обсудить и оценить поэтические и литературоведческие достижения С. Ханяна.

С.Ханян своими литературными достижениями дополняет общую картину литературного очага Арцаха.

Поэт-литературовед вниманию читателя предложил около 15-ти поэтических сборников, столько же литературоведческих исследований, сотни статей затрагивающих проблемы современной литературы и искусства.

Источником вдохновения поэта является его родной край, вековая история и настоящее, его детство и юношеские мечты, плямя родного очага, отзвуки первой любви, привязанность человека-патриота к своей родной земле.

Каждый мотив является отзвуком, светлым чувством, рожденным с опытом поэта и его самоутверждением.

Процесс развития литературы в Арцахе всегда находится в центре внимания поэта, а его труды «Арцахская война и армянская литература», «Обучение литературы в вузе, «Судьба родины в армянской поэзии (1950-90гг)», «Национальная судьба и армянская поэзия», «Традиции развития поэзии в Арцахе (1950-2000гг.)» являются учебными пособиями как для студентов, так и для преподавателей.